

續輯均州志卷之二

輿地志敘

畫地分疆羲皇上聖仁政始基經界是正彈丸均  
邑上控襄陽山峙參嶺水匯滄浪撫茲四境蒼黔  
萬億七鬯不驚伊誰之力我疆我理綺交繡錯南  
朔東西按圖可索於是標形勝核道里指關津之  
險夷著村社之殷盈若塘堰若井泉若池洞均類  
紀之志輿地

四履

續輯均州志

卷之二 四履

一

州在府西三百六十里

府志作三百九十里誤

東西廣水二百一十里陸一百六十里南北袤二百  
六十里

東水一百二十里陸一百里至沙沱營田家灣交光  
化縣界

西水九十里陸六十里至遠河塘交鄖陽府鄖縣遠  
河保界迤南距城一百三十五里至白浪村交鄖  
縣伏龍保界

南一百八十五里高店河交鄖陽府房縣烏油觀界

北七十五里至火龍觀交河南南陽府淅川廳東澇  
峪界迤西交鄖縣黑豆保界

東南一百二十里至大界山交穀城縣金家店界

西南二百一十里至擂鼓臺交房縣濫泥湖界迤西

距城二百二十里至袁家河交房縣馬嘶山界

西北六十里至水田溝交鄖縣王莊保安陽保界

東北九十里至玉皇頂塘交河南南陽府內鄉縣攬

賊口界迤東距塘十五里交河南南陽府淅川廳

泗坪營界

續輯均州志

卷之二

四履形勝

二

形勝

襄郡大州漢水出其西北荆南諸山環其東南

沈學暉記

天柱冠五嶽而從隆雍豫介二州而屏蔽

舊通志

東連襄沔西接梁洋南通荆衡北抵襄鄧左通漢水

之長江右據關陝之要路

府志

太岳鳳峙漢水龍翔荆襄襟帶雍豫咽喉

舊志

山岡脈絡

須彌山爲萬山祖楊筠松雖本梵書立論不爲無見

然就崑崙山三大幹言之則散見於我

大清一統志崑崙在中國西北其分幹三一出阿爾泰

山

即金山蒙古古語  
金爲阿爾泰

循瀚海北起杭愛山

即馬鞍山蒙古古語馬鞍爲

杭愛元和  
林在焉

東走興安大嶺抵黑龍江北至俄羅斯盡

於冰海謂之北幹一出祁連山東抵哈密北走賀蘭

山南轉爲河北太行諸山又南轉爲燕山今京師更東

下臨榆結長白山南至旅順渡渤海起福山盡於泰

岱謂之中幹今世謂之北幹一出岡底斯山由岷山

西傾山下綿亙大江南北各行數千里謂之南幹今

世分爲中南二幹其南幹自岷陽上雲嶺而桂嶺而

續輯均州志

卷之二 山岡脈絡

三

庾嶺而建嶺盡於臺灣其中幹自西傾東下更分爲

三一自隴州吳嶽山左界河右界渭而岐山而九萼

而甘泉而嶽薛而荆山盡於冀州之西河一自隴州

由鳥鼠山左界渭右界漢而終南而太華而熊耳而

嵩嶽至於桐柏下走廣陵盡於日本琉球一自隴州

南由蟠冢山左界漢右界嘉陵江岷江循劍閣而東

而梁山而巴山而南條荆山而內方盡於漢陽之大

別若夫均州本襄陽僚邑其山岡脈絡固不敢數典

多忘亦何庸越境滋議茲就州屬跨漢南北者詳識

之均州漢南境地遠脈來自蟠冢山循劍閣東下巴  
梁千餘里逕夔州府南北分趨南走彝陵盡於漳水  
之西北走興安逕白土關起景山交湖北界東行劈  
幹又由青華山從北而東行七百里至鄖陽府竹山  
縣東房縣西之香鑪山又二百里起賽武當山始交  
均州南界起武當山與賽武當接連數十里高數十  
里其東南尋筑水北走房縣穀城等地方不具論賽  
武當山一名伏龍山實爲州治山祖山在鄖縣東南  
交均州西界起觀音山北行左界鄖縣遠河水右界

州曾河水北至十二連山又北至白浪山又北至佛  
家山計六十餘里始由北而東起飛鳳山又十餘里  
至紫山又二十里至黃峯山忽轉面向離結爲州治  
背臨漢水前對武當稱雄封焉其餘支復北走十餘  
里至關門崖盡於漢西南武當山本名太和山又名  
天柱山後更今名山東三十里起紫髻山左界曾河  
水右界浪河水東北行二十餘里至殷家河又三十  
里至姚子鋪盡於小界山又由紫髻山正北行四十  
里至絞口山分爲三支西一支至孫家灣盡於淄河

口次西一支至草店鎮盡於錦屏山其正支復東行二十里至瓦房折而北走逕妖魔嶺燒袍嶺橫山馬鞍山至龍山計行九十里盡於下浪河口之西其在浪河以東又有大界山係由穀城西來內一支由大界山蜿蜒而行計三十里至青莫山南抵蕭河又西北行三十里走青石鋪上浪河店外一支由大界山更北行三十里至葫荻山五十里至三官殿將軍山俱盡於青潭溝青山港左右當州屬之東南若論漢南正幹則又自景山由南漳縣起荆山由鍾祥縣西

南起內方山由漢陽縣北起大別山不在州屬矣至於州北其遠脈自西傾穿終南抵熊耳正幹東行州脈由高豬嶺劈幹分支循丹水而南百里至白礮礎又東行三百里至鄖陽府北之五臺山其正支逕梅子堖南百餘里接鄖城山爲鄖陽府治詳載鄖陽志中東支復走皮羅山逕霜峰堖起青龍山爲均州北坼諸山之祖又東行交均州界至二龍山大龍山左界丹水右尋漢水西仍逆入鄖陽之佘家山東則爲卧龍山鳳凰山白虎山回旋五十餘里盡於仇家河

之西當州屬北境之西其正支復尋丹水而東起冷水山行二十里逕火龍觀轉東而南起玉筍山方山又東起石鼓山計七十餘里又南行三十餘里起烏頭山又東行四十里起青崖山又南行四十里至大觀山小觀山盡於均口俗稱小江口當州屬北境之東

### 水道源流

漢水發源嶓冢山始出爲漾東流至漢中府南鄭縣爲漢水禹貢所謂嶓冢導漾東流爲漢是也水經稱

爲沔水或因疑漢沔爲一水不知沔乃漢之別源漾爲正源應劭云沔水下尾與漢水合至南鄭入漢故通稱漢沔逕梁洋金鄖至遠河灘入州境下爲滄浪水水經注云武當縣西北四十里漢水中有洲曰滄浪洲水至此停匯淵寂澄鮮蠲潔爲漢江諸名勝首稱胡渭云滄浪者水之色也襄陽縣志云漢水重濁與大河相似自均州以下水爲之一清故曰爲滄浪之水折而南仇家河水自東來注之又南黃峯河水自西南來注之東逕關門崖至槐關板橋河青塘河

二水會於響河橋自東北來注之繞州城北東南流  
十餘里西南諸水匯於曾河自南來注之又東逕龍  
巢山繞老鴉灣過石門曲折數十里納浪河水又東  
南逕青山港青潭溝大小觀山峙中流形同砥柱水  
左右環繞過山復合均水合丹水注之東南流至沙  
沱營田家灣入光化縣界計漢水歷州境二百餘里  
中有瀉門關門鐵鑪亂石石門魚梁大浪諸灘皆兩  
山夾流水勢漂疾是以少安瀾而多激湍亦形勢使  
然也

續輯均州志

卷之二

水道源流

七

山

太和山州西南一百二十里水經注水導源縣南武  
當山一曰太和山亦曰參上山又曰仙室荊州圖  
副記曰山形特秀異于眾嶽峯首狀博山香鑪亭  
亭遠出晉咸和中歷陽謝允舍羅邑宰隱遁斯山  
故亦曰謝羅山焉明永樂中尊爲太嶽太和山嘉  
靖又更名元嶽週迴八百餘里有七十二峯亦云

七十九

天柱顯定萬丈獅子皇崖小筆紫霄雷石  
貪狼巨門祿存文曲廉貞武曲破軍中笏

千丈大蓮小蓮大筆中筆落帽白雲紫蓋松羅桃  
源疊字金頂伏龍五龍靈應隱僊陽鶴健人太師

名太 中傅 鼻太 聚保 雲始 手老 扒真 竹老 籬皇 搓老 牙元 竈老 門元 九老 卿仙 伏人 魔隱 玉士 筍大	柱笏 九笏 渡大 展彞 旗把 金鍼 鎖丹 青竈 羊天 七馬 里雞 繫鳴 馬雞 會籠 仙眉 茅稜 阜復 紫朝 烝香	蓬萊 逍遙 第一 金大 童寶 玉珠 女小 三十六 巖亦 云四 十四 隱紫 霄	仙侶 三公 卧龍 天龍 馬尹 藏喜 雲玉 隱虛 土五 楊龍 仙玉 沈清 仙太 滴清 水太 集子 雲皇 謝后 天白	地長 峯春 仙春 龜硃 雷砂 巖北 風斗 巖歛 九火 卿上 凌黑 虛虎 太下 山黑 青虎 巖白 獨龍 陽昇 華真	陽悟 崇福 虎妙 耳華 羅 二十四 澗亦 云二 十六 大青 牛羊 槽桃 萬	源下 谷武 當紫 霄鍼 上小 黑青 虎羊 白陽 雲鶴 九金 渡鎖 梅飛 溪雲 西瀑 澗布 金會 雞仙	雷澗 雙溪 五龍 蠟鬼 八洞 太雷 元桃 黃源 龍白 老君 靈碧 洞天 九臺 飛昇 衣昇	誦經 禮望 斗瓊 仙天 賜馬 劍朝 十二 亭紫 人雲 一滄 浪憑 泉虛 神卧 泉雲 萬松 益	續輯均州志 卷之二 山 八	淵默 子禹 臨跡 清跡 十四 池天 煉池 丹龍 池池 飲天 馬池 天地 乙池 太日 乙池 滄月 水池	庫善 禹跡 三十九 橋冲 迎恩 和中 尋真 橋絞 和口 東中 橋冲 和和 元西 和橋	西橋 天元 和橋 中橋 西元 山和 北東 山東 集仙 登會 仙東 萊仙 豐都 和遊 蒿仙 口仙	普福 虎隱 復真 仙聚 天乙 步磨 雲鍼 澗橋 禹跡 星通 會天 斜津 橋五 井龍	黑虎 復真 仙聚 天乙 步磨 雲鍼 澗橋 禹跡 星通 會天 斜津 橋五 井龍	五龍 甘露 九泉 益甘 人露 東參 靈斗 石百 西花 靈真 石乙 甘一 泉滋 七石 鍼磨	神泉 舜井 九泉 益甘 人露 東參 靈斗 石百 西花 靈真 石乙 甘一 泉滋 七石 鍼磨	試劍 仙碁 龍試 首心 三潭 龍黑 潭虎 二潭 白 諸勝 概天 柱曉 晴	鳳皇 金星 龍首 三潭 龍黑 潭虎 二潭 白 諸勝 概天 柱曉 晴	爲八景之一	石階山州南一百里 隋圖經云一名華嶽地肺一	名肺山福地記云西北角有大松樹樹下生草名
--	--	--	--	--	---	--	--	---	------------------------	--	---	--	--	--	--	--	--	--	-------	----------------------	---------------------



救窮冬夏不枯日食三寸絕穀不飢陶先生謂之西岳佐命是也

女思山 寰宇記漢武當長來郡女嫁爲河內張德子婦隨夫還至此山南望其父思慕而死卽葬此山女卽來歛曾孫也

古寨山 寰宇記在武當縣北戰國時楚築以備秦山勢險峻亦名大寨山

外朝山在太和山後卽復朝峯也羣峯趨赴天柱獨東南一山最高意不肯爲天柱下而若自爲向背

續輯均州志

卷之二

山

九

因名外朝焉

太和山紀畧

東山州東三里

龍巢山州東七里水經注山在沔水中高十五丈廣員一里二百三十步山形峻峭秀林茂木隆冬不凋龍山烟雨爲八景之四

按龍巢山一名龍山通志分爲二一作六十里一作七十里誤今正之

青巖山州東六十里

大觀山州東九十五里又東曰小觀山皆在漢水中

舊志作三十里誤

將軍山州東一百二十里

葫荻山州東一百二十里

馬鞍山州東南五里

小界山州東南八十五里

大界山州東南一百二十里

青莫山州東南一百一十里

寶蓋山州南二十里

橫山州南二十里

續輯均州志

卷之二

山

十

小礮山州南二十五里

大礮山州南三十里

斗峯山州南三十里

第一山州南三十五里

錦屏山州南四十五里

九龍山州南五十五里

絞口山州南六十里

紮髻山州南一百二十里

白浪山州西南一百里

十二連山州西南一百七十里

觀音山州西南一百四十里

關門山州西五里

黃峯山州西二十里黃峯晚翠為八景之五

紫山州西二十五里

黃洋山州西三十里

佛家山州西九十里接鄖縣界舊志作四十里誤

飛鳳山州西七十里

白虎山州西北三十里

續輯均州志

卷之二

山

十一

冷水山州西北五十里上有泉味甘性冷

龍門山州西北五十里接鄖縣界

二龍山州西北五十五里

大龍山州西北六十里接鄖縣界

卧龍山州北三十里一名卧龍岡綿延如龍卧舊志作四

十里誤

鳳皇山在卧龍山西南

玉筍山州北六十里峯似玉筍故名

方山州東北二十里方山晴雪為八景之八

烏頭山州東北三十里

石鼓山州東北六十里山麓有石似鼓因名

康柳山州東北七十里

赤山

州南三十里

木山

州西十里

遠山

州北一百二十里

以上三山見舊志今無考

川

白浪河州西一百里陳鶚郡志云白浪河水由遠河入漢考遠河爲今均鄭分界處故州之九十里有遠河灘而鄭縣之遠河頂塘亦在焉

續輯均州志

卷之二

川

十二

仇家河州北二十里一源出磨煉山南逕大柏村一源出冬青樹溝南逕小柏村過中嶺合流經大柏塘習家店折而西繞趙家灣受茯苓村水又西至應山廟入漢

黃峯河州西十里發源門限嶺北東南流過堰溝三十里繞關門山麓東入於漢

響河州北十里發源胡家山西南流逕板橋爲板橋河過龍泉寺西北繞方山南麓西流注佟公堰過響河橋青塘河水由響河店西來會南流至槐關

入漢

青塘河州北三十里發源龍洞溝西流納龐家灣水折南逕青塘村梅家溝繞方山西麓逕雞鳴泉又南流爲溫都河又南過響河店會響河水合流入漢

曾河州南十里發源鄖縣賽武當山東流爲解家河折而南繞馬鞍山爲梁家大河入州境爲官山河又下爲袁家河至兩河口西河水注之北流出外朝山受乾河水逕孫家灣蒿口受淄河澗河二水

續輯均州志

卷之二 川

十三

又東爲芝河小芝河水注之又東過旱莊注王公堰過迎恩橋水磨河水注之北流三十里納黃沙河又北至曾口入漢

黃沙河州南十里發源門限嶺南東流逕八里川入於曾

水磨河州南五十里發源照面峯東北逕遇眞宮注許公堰至迎恩橋入曾

瓦房河州南五十里發源太平壩西北流經草店鎮會水磨河水合流至周府庵注柳坪堰北入曾

小芝河州西三十五里發源青巖寨東流至王家河  
口入曾

澗河州西南九十里一源出文公廟埡一源出主簿  
埡北流過天津橋迤邐數十里逕玉虛宮西流注  
裘公堰北流至石碑埡入曾

淄河一名東河州西六十里發源七星樹北流繞五  
龍宮至蒿口注白馬堰又北入曾

乾河州西一百里發源何家埡東流至黑虎廟入曾  
西河州西南百九十里一源出白果樹坡西一源出

續輯均州志

卷之二

川

十四

冷水溝會西河塘北流爲茅坪河受九道河水又  
北流爲呂家河至兩河口西入曾

九道河州西南百四十里發源天柱峯西流至茅坪  
河入西河

浪河州東七十里一源出白果樹坡東一源出跑馬  
嶺東南流爲吳家河鹽池河長灘河出蝦蟆口蕭  
河水注之經浪河店西流繞小界山逕道仙觀受  
殷家河水北流經花果園至浪河口入漢

殷家河州南一百里發源紮髻山東北流逕響水潭

折而西過姚子鋪注佃戶堰又東北注二道堰又東注徐家堰高家堰逕小孫家灣注王家堰又東注石堰入浪河

蕭河州南百四十里發源薄羅崖流至黃土坡入浪河

均水州東百一十里 水經云水出析縣北山南流過其縣之東注均水又東南流逕其縣下南越南鄉縣又南流與丹水合經又云又南當涉都邑北南入於沔注均水南逕順陽縣西有石山下臨均

續輯均州志

卷之二

川

十五

水又南流注於沔水謂之均口者也

按均原本水經注並作均梁書馮道根傳師入均均口李子田析蹟云均均實一水故謂之均均口趙一清刊誤云均當作均何倬云均均口均字讀者所音後人誤以入行又北史魏孝文南伐詔廣陽王建弟嘉斷均口合觀諸書足徵均均口之誤攷乾隆三十九年紀文達公昫詳稽永樂大典釐正水經注均並作均茲據紀本作均口卽俗所謂小江口也

丹水爲均之別源 水經云丹水出京兆上洛縣西北豕嶺山東南過其縣南又東南過商縣南又東南至於丹水縣入於均陳郡志按古上洛縣今商州也商州龍駒寨之舟楫由均口而下直抵郡城向時水勢漂疾商旅不行明代曾於此運米濟陝康熙中總督丁思孔訪尋明時故迹以舟運襄漕米十萬賑陝飢自是舟子漸識水性知風候近則爲商賈捷徑而仕宦行旅亦由之是卽水經所紀之丹水所謂南流入於均又合流入於沔今古皆

相符合也

石鼓關河州東北六十里發源四峯山東流逕石鼓關至兩河口會白石河爲官河又東爲界河又東流入均

白石河州東北七十里一源出紅廟溝一源出老荒溝二水夾流會於汧溝河南繞康柳山東流至兩河口爲官河又東南爲界河又東流入均

安樂河州東百二十里發源土關堖北流爲龍家河又北繞獅子崖納姚家河水又北至光化縣潘家



崖入漢

瀉門灘州西北三十里

關門崖灘州北十里

鐵鑪灘州東五里相傳神禹導水至此今江心巨石  
下有 大鐵圈存焉冬涸捕魚者嘗見之

亂石灘州東二十里

石門灘州東三十里

魚梁灘在石門灘下

大浪灘在魚梁灘下

續輯均州志

卷之二 川

十七

遠河渡州西九十里

九里岡渡州西八十五里

黑石灣渡州西六十里

大石渡州西北五十里

羅家渡州西北三十里

張家渡州西北十二里

蔡家渡州北七里

槐關官渡州東北五里北達雍豫要津也槐陰古渡  
爲八景之六

萇家渡州東二里

曾河渡州東南七里

亂石灘渡州東二十里

老鴉灣渡州東二十五里

魚梁灘渡州東四十里

浪河渡州東六十里

青山港渡州東九十里

江口渡州東一百一十里

三官殿渡 沙沱營渡俱州東一百二十里

續輯均州志

卷之二

川

關梁

十八

青石官渡 浪河店渡俱州東南一百里

關梁

槐樹關州東北五里

石鼓關州東北六十里舊通志作石古關誤

油瓶關州北八十里

小江口關州東一百一十里接光化縣界路出河南

三橋

皮洪建

一里陂橋在州南一里

臨江橋在三王城下

七里橋在州南七里

黃沙橋州南十里明隆慶五年分守王公應顯更名  
惠政橋有碑今圯

土橋州南二十里原名竹谿橋康熙間重修更今名  
中橋州南三十里

分道橋州南六十里元和觀左

上梅溪橋 中梅溪橋俱州西南六十五里玉虛宮  
前

板橋州東北二十五里方山下

續輯均州志

卷之二

關梁

里社

十九

響河橋州北十里秦府菴前明天啟二年建

國朝乾隆初知州謝莘重修更名謝公橋有碑今圯

里社 鎮寨附

明洪武編里五

宏治增編二十五

國朝編里六

在民里

在軍里

苻民里

苻軍里

芝民里

芝軍里

按舊志康熙十一年歸併更名田地無幾編入

芝軍里

城內街市

朝宗坊

至大東街  
西門街

仁和坊

官街至  
南門

拱宸坊

北門街

思誠坊

報恩寺  
街

濯纓坊

平安門  
街

春熙坊

保安門  
街

宣文坊

黃道街

宣威坊

察院街

城外街市

南門大街

館驛大街

朝武街

河街

校廠前街

校廠後街

續輯均州志

卷之二里社

二十

金家巷

光彩巷

魏家巷

徐家巷

朱家巷

老關廟巷

鐵爐巷

梧桐巷

余家巷

皮家巷

曹家巷

柳家巷

東鄉村落六

按舊志村落與州冊入見  
互異今據州冊

老鴉灣

烏頭山

靈應

沙沱營

葫荻山

麻灘

東南鄉村落七

橫山灣

上下浪河

青石鋪

青莫山

館驛

蕭河

南鄉村落五

七里屯

雙塚屯

大土灣

石板灘

草店

西南鄉村落十四

雷陂

金陂

旱莊

老營

袁木溝

五岔溝

瓊臺觀

南巖

趙家壩

杉溝

草房溝

大嶺坡

續輯均州志

卷之二 里社

二十一

呂家河

鹽池河

西鄉村落九

囂川

芝河

蒿口

孫家灣

黑虎村

白浪

分道觀

西河

袁家河

西北鄉村落二

黃遠坪

左絞

北鄉村落五

陶峪

青塘

大柏

茯苓

楊峪

東北鄉村落六

槐樹關

蒿坪

黃營川

石鼓關

康柳山

界河

青山港鎮在州東九十里

三官殿鎮在州東一百二十里

浪河店鎮在東南一百里

草店鎮在州南五十里

孫家灣鎮在州西八十里

續輯均州志

卷之二

里社

鎮寨

二十二

六里坪集在州西八十五里

將軍寨在州南四十里石板灘東相傳明田將軍勦

賊至此以山勢屢屢修寨駐軍與城爲犄角至今

寨址猶存云

青巖寨在州西六十里層巒險峻四面皆絕壁西有

微徑可陟峯頂嘉慶初教匪竄均居民依山築寨

避徙其中得免於難咸豐丙辰冬紅巾賊至近寨

人民復相率先期登寨憑高固守賊竟不能犯

保安寨在州北二十里龍泉寺後卽東漢初巨無霸

寨故址

興隆寨在州北五十里大柏村環寨皆山獨此峯聳然特出嶙峋壁立高可百餘尋嘉慶初教匪犯境鄉民朱興隆捐地築寨故名

同樂寨在興隆寨北七里三面截業東北有侵雲細路極險隘絕頂平敞可容人萬許樵汲甚便擅州北諸寨之勝

陳劉寨在州北六十里茯苓村山勢嵯峩壁立千仞東西有蜿蜒曲徑可達山巔明季流寇亂鄉人陳

續輯均州志

卷之二

里社

寨

二十三

劉二族創修因名焉

國朝嘉慶咸豐同治間相繼增修垣墉益固

狀元巖寨在州南八十五里卽明太史羅念庵棲隱處一名羅公巖峭壁巉巖勢若削成中平廣畝許嘉慶初教匪犯境居民鑿險闢幽甃石爲垣老幼負寨以居賊無從蹤跡均免劫掠

隆峯寨 天保寨俱州西六十里

龜鶴寨在州北四十里青塘村

同心寨在州東北九十里康柳村

青龍寨在州南一百二十里

龍船巖寨在州西南二百里西河

塘堰

善安里塘三在州西南四十里金陂村未詳創自何

時康熙四十三年知州張大經重修碑有嘉慶二十

五年山水沖決幾廢道光元年邑貢生朱曙霞獨

力捐貲督工修復鄉人賴之

在城民里堰一今廢

在城軍里堰一今廢

續輯均州志

卷之二 塘堰

二十四

茯苓民里堰一亦名金椿堰

茯苓軍里堰一

芝河民里堰一

芝河軍里堰一

土橋里堰一今廢

浪河里堰一今廢

以上舊志

大柏村堰一通志

王公堰在州南四十里石板灘明萬曆間知州王家



業重修因名王公堰有碑

國朝康熙初知州黨居易督工修築卽舊志石板灘堰  
通志坪堰

佟公堰在州東北五里槐樹關康熙三十一年知州

佟國弼重修有碑卽舊志槐樹關堰通志響河堰

柳坪堰在州南四十五里周府庵北雍正二年知州

錢世俊重修有碑記詳藝文卽府志周府庵石堰

許公堰在州南五十五里遇眞宮乾隆四十三年重  
修有碑

續輯均州志

卷之二 塘堰

二十五

賀家堰 孟家堰 曹家堰三堰在州南五十里草

店鎮東

白馬堰在州西六十里蒿口坪

裘公堰在州西南七十里老營村乾隆初知州裘曰  
發重修

白浪下堰原名佃戶堰道光四年知州胡源重修更  
名胡公堰有碑

白浪中堰原名么堰乾隆四十一年重修

白浪上堰原名譚家堰咸豐十一年邑武生周定疆

傅祖德等倡議重修

張公堰在州西八十五里六里坪今廢

石堰在州東南七十里石堰河

佃戶堰在州東南八十里姚子鋪

井泉池洞

大井一在州署東 一在州署西 一在南關西

月井在淨樂宮紫雲亭前

學宮井在明倫堂西

考棚井在試館東

續輯均州志

卷之二

井泉池洞

二十六

四眼井在城東北隅

三眼井在南關藥王廟左

小井在南關東

屠家井在南城外金家巷口

扳倒井在州西南五里

葵花井在州西南九十里五龍頂

金泉在州北十里響河側

雞鳴泉在州北十五里方山麓廓不盈丈深二尺許

澄澈清瑩有石罅五六漚泛如珠大旱不涸中產

比目魚罕見之

黑龍泉在州東北四十里黃營川

二龍泉在州西北五十五里二龍山麓泉水澄碧淵  
渟四時不竭沿山田疇數十頃咸資灌溉遇歲旱  
遠近人民輒虔詣祈禱以淨瓶盛泉水歸供齋壇  
雨恆應期而降

磨劍泉在州西七十里金沙坪

白龍泉又名珍珠泉在東北九十里界河村

葛花泉 信泉俱在州東北九十里康柳村

續輯均州志

卷之二

井泉池洞

二十七

鹽池在州南一百二十里其地斥鹵可爲鹽按唐書

地理志武當縣東南百里有鹽池卽此

蓮花池一在城西北隅久淤一在州西南二十六里

雁落蓮池爲八景之七

朝陽洞一在州東二里觀音閣後一在州南三十五  
里第一山左

白馬洞在州西北五十五里左絞村

夾馬洞在州西南一百九十里兩崖對峙一徑中通  
僅容單騎行爲由均入房要隘